



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

2 OGOS 2020 (AHAD)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

2 OGOS 2020 (AHAD)





ORANG ramai mematuhi SOP semasa memasuki sebuah pasar raya di Lembah Klang semalam.

Harga siling pelitup muka diturunkan lagi

Oleh ZULKIFLI MANZOR

KUALA LUMPUR – Kerajaan sedang mengkaji kemungkinan harga siling pelitup muka diturunkan lebih rendah berbanding RM1.20 sekeping selepas 15 Ogos ini.

Menteri Perdagangan Dalam Negeri dan Hal Ehwāl Pengguna, Datuk Alexander Nanta Linggi berkata, langkah itu bertujuan membantu mengurangkan bebanan orang ramai.

“Harga siling pelitup muka akan diturunkan daripada RM1.50 kepada RM1.20 seunit bermula 15 Ogos 2020. Kemudian kita tengok jika tidak jejas-bekalan boleh turunkan lagi paras siling.

“Kita perlu berhati-hati kerana jika harga terlalu rendah dibimbangi bekalan jadi tidak



ALEXANDER

mencukupi kerana peniaga tidak berminat mengimport pelitup muka,” katanya ketika dihubungi *Kosmo! Ahad* di sini semalam.

Kerajaan pada 23 Julai lalu mengumumkan harga siling pelitup muka akan diturunkan kepada RM1.20 seunit daripada

RM1.50 bermula 15 Ogos ini.

Harga borong bahan itu yang ketika ini RM1.45 seunit juga akan diturunkan kepada RM1.15 bermula pada tarikh sama.

Penurunan harga itu selaras dengan langkah kerajaan mewajibkan pemakaian pelitup muka di tempat awam bermula semalam.

Terdahulu, Alexander memberi jaminan bekalan pelitup muka di pasaran mencukupi bagi menampung permintaan orang ramai.

Menurut beliau, Malaysia bukan sahaja pengeluar pelitup muka, malah turut mengimport pelitup muka dari luar negara.

“Saya berharap peniaga dapat tambahkan pengeluaran dan pengimportan bagi memastikan bekalan sentiasa mencukupi,” katanya.



Orang awam memakai pelitup muka di pekarangan kompleks beli-belah SOGO, Kuala Lumpur.



Hanya dua jenis tepati ciri WHO

Kuala Lumpur: Hanya dua jenis pelitup muka sahaja boleh digunakan bagi tujuan pencegahan COVID-19, manakala jenis fabrik tidak menepati ciri saranan Pertubuhan Kesihatan Dunia (WHO).

Ketua Pengarah Kesihatan, Datuk Dr Noor Hisham Abdullah, berkata pelitup muka perubatan jenis tiga lapis, boleh digunakan orang awam yang mempunyai gejala saluran pernafasan.

Beliau berkata, golongan berisiko tinggi seperti warga emas (berusia 60 tahun ke atas) serta mereka yang mempunyai penyakit kronik seperti kencing manis dan darah tinggi juga disarankan memakai pelitup muka perubatan.

"Pelitup muka bukan perubatan pula disyorkan untuk mereka yang tidak mengalami gejala, namun berada di tempat di mana penjarakan fizikal sukar diamalkan," katanya dalam kenyataan, semalam.

Dr Noor Hisham menjelaskan, pelitup muka bukan perubatan jenis fabrik ada di pasaran mungkin tidak menepati ciri-ciri yang disarankan Pertubuhan Kesihatan Dunia (WHO).

"Ia boleh dipakai untuk kegunaan orang awam tetapi keberkesanannya mungkin berbeza bergantung kepada jenis dan bilangan lapisan kain yang digunakan," katanya yang mengingatkan alat itu tidak boleh dikongsi dan perlu dilupuskan dengan betul.

Katanya, pelitup muka tidak boleh dipakai kanak-kanak berusia kurang dua tahun kerana boleh memberi kesan sukar bernafas dan tidak sedarkan diri, kurang upaya atau tidak dapat menanggalkan dengan sendiri.

Sementara itu, Timbalan Presiden Gabungan Persatuan-Persatuan Pengguna Malaysia (FOMCA), Mohd Yusof Abdul Rahman, berkata kerajaan perlu menetapkan satu piawaian khusus bagi men-

jamin kualiti pelitup muka yang dijual ketika ini.

"Ketika ini, tidak ada satu mekanisme khusus yang boleh memantau kualiti pelitup muka yang dijual. FOMCA menerima banyak aduan dan rungutan berhubung kualiti pelitup muka dijual, khususnya membabitkan tali dan material digunakan.

"Paling sering kami terima ialah tali yang mudah putus dan material cepat terkoyak. Ada juga yang terlalu nipis dan seakan tidak berfungsi untuk melindungi pemakai," katanya.

Mohd Yusof berkata, selain jenis pelitup muka, penekanan juga perlu diberi untuk melihat kewajaran penubuhan satu pasukan

husus bagi memantau kualiti alat itu.

Katanya, lambakan pelitup muka dalam pasaran ketika ini menyebabkan orang ramai sukar membezakan kualiti yang ada, melainkan apabila sudah dibeli.

"Kita sebenarnya boleh lihat berdasarkan harga diberi penjual. Jika harga ditawarkan itu jauh lebih murah daripada yang biasa dijual, berkemungkinan besar kualitinya juga rendah," katanya.

Sementara itu, Menteri Perdagangan Dalam Negeri dan Hal Ehwal Pengguna, Datuk Alexander Nanta Linggi, berkata pemantauan terhadap jualan dan pengeluaran pelitup muka setakat ini tidak mendapati sebarang elemen diskrimi-

nasi untuk kegunaan tempatan.

Beliau berkata, kerajaan mengambil keputusan menurunkan harga pelitup muka sebanyak 20 peratus, menjelang 15 Ogos ini bagi memastikan orang awam mempunyai kemampuan mendapatkan bekalan alat itu.

Sekarang ini, persoalan dan kebimbangan utama ialah mengenai pelitup muka buatan sendiri yang dijual secara dalam talian, yang kita tidak tahu sejauh mana keberkesanannya, berbanding jenis tiga lapis yang diwartakan sebagai barangan kawalan.

"Penjualan pelitup muka buatan sendiri dalam talian juga sukar dikawal kerana tiada larangan untuk berbuat demikian," katanya.

PEMAKAIAN PELITUP MUKA

Pelitup muka 3 lapis (3-ply mask) disarankan untuk



Pelitup muka fabrik (Fabric mask) disarankan untuk



Petugas kesihatan

Orang awam yang mempunyai gejala saluran pernafasan



Orang awam golongan berisiko tinggi yang berada di kawasan jangkitan COVID-19 dan penjarakan fizikal sukar diamalkan



Warga emas (60 tahun ke atas)

Berpenyakit kronik

Golongan tidak mengalami gejala pernafasan dan berada di tempat jangkitan COVID-19 tersebar luas dan penjarakan fizikal sukar diamalkan

Golongan pekerja

Orang awam sihat yang berada di tempat awam





Senarai Harga Kawalan

Barang	Harga (RM/kg)
• Ayam	6.99
• Daging Lembu Tempatan	34
• Daging Lembu Import	25
• Telur Gred A	10.20
• Ikan Kembung	6.99
• Minyak Masak	9.50
• Gula Pasir	2.75
• Bawang Besar Holland	1.90
• Bawang Putih	3.20
• Cili Merah	6.20
• Kubis Tempatan	1.50
• Tepung Gandum	2.15

Sumber: KPDNHEP